



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

მელვინეთუხუცესი ოთარ ვახტანგის ძე

მელვინეთუხუცესი ოთარ ვახტანგის ძე (16. I. 1932, თბილისი, – 9. V. 2013, იქვე).
თეატრისა და კინოს მსახიობი. საქართვე. (1973) და სსრკ სახალხო (1979) არტისტი, შოთა
რუსთაველის (1998) და საქართვე. სახელმწ. (2001) პრემიების ლაურეატი. 1954
დაამთავრა თეატრ. ინ-ტის სამსახიობო ფაკ-ტი. სხვადასხვა დროს მუშაობდა
მარჯანიშვილის (1954–61, 1962–67, 1975–2013; 1996–2006– სამხატვრო ხელმძღვ.),
სანკულტურის (1961–62), რუსთავის (1967–75) თეატრებში. შესრულებული როლებია:
სანკულტურის თეატრში – გივი (ლ. იოსელიანის „ჩვენი ერთი საღამო“), რეზო
თარხნიშვილი (ვ. აქსიონოვისა და ი. სტაბოვის „კოლეგები“); რუსთავის თეატრში:
სირანო (ე. როსტანის „სირანო დე ბერჟერაკი“), ნიკოლოზ პირველი (ვ. კოროსტილიოვის
„ასი წლის შემდეგ“), ფიროსმანი (ვ. კოროსტილიევის „მარტოობის დღესასწაული“, კ.
მარჯანიშვილის პრემია, 1975), სატინი (მ. გორკის „ფსკერზე“), ძია ისიდორე (ნ. დუმბაძის
„საბრალდებო დასკვნა“) და სხვ.; მარჯანიშვილის თეატრში: – ვებირი (ნ. ჰიქმეთის
„ლეგენდა სიყვარულზე“), გრაფი ბევერლი (ფ. შილერის „მარიამ სტიუარტი“), ნაპოლეონ
ჭინჭილეიშვილი (კ. ბუაჩიძის „მკაცრი ქალიშვილები“), ჩონთა (ვაჟა-ფშაველას
„მოკვეთილი“), ლორდ ლეველი, ოტელო, ანტონიუსი, მეფე ლირი (უ. შექსპირის „რიჩარდ
მესამე“, „ოტელო“, „ანტონიუსი და კლეოპატრა“, „მეფე ლირი“), რუფიო (ბ. შოუს
„იულიუს კეისარი და კლეოპატრა“), ონდრა (კ. ჩაპეკის „დედა“), ოიდიპოსი (სოფოკლეს
„ოიდიპოს მეფე“), რომულუს ავგუსტუსი (ფ. დიურენმატის „რომულუს დიდი“), უჯუმ ემხა
(ლ. ქიაჩელის „ჰაკი აძბა“), ლეო (ლ. როსებას „პროვინციული ამბავი“), თავადი გიორგი
(გ. რობაქიძის „გრაალის მცველნი“), კრეონი (ჟ. ანუის „ანტიგონე“), პილატე („პილატე“,
მ. ბულგაკოვის „ოსტატი და მარგარიტას“ მიხედვით) და სხვ.

ეკრანზე შექმნა თანამედროვეთა, ისტორიულ გმირთა და ლიტერატურულ პერსონაჟთა
სახეები: ჯამბულათი („ფატიმა“, რეჟ. ს. დოლიძე, 1958), გიგა ბეთანელი („კეთილი

ადამიანები“, 1961), გვადი (1963, „ვინ შეკაზმავს ცხენს?“ ორივეს რეჟ. შ. მანაგაძე), ბონდო („თავადის ქალი მაია“, რეჟ. ლ. ლოლობერიძე, 1961), ჯოჯოლა („ვედრება“, რეჟ. თ. აბულაძე, 1967), გაიომ გადალენდია („ტარიელ გოლუა“, რეჟ. ლ. ხოტივარი, 1968), მეფე გიორგი („დიდოსტატის მარჯვენა“, რეჟ-ები: ვ. ტაბლიაშვილი, დ. აბაშიძე, 1970), მუჰამედი („სამკაული სატრფოსათვის“, რეჟ. თ. აბულაძე, 1971), ცოტნე დადიანი („ცოტნე დადიანი“, რეჟ. ა. ჟღენტი, 1972), ალონსო („მშვიდობით, ინესა!“, რეჟ. ი. ასათიანი, 1972), არზაყან ზვამბაია („მთვარის მოტაცება“, რეჟ. თ. მელიავა, 1973), ვახტანგი („მზე შემოდგომისა“, რეჟ. თ. ფალავანდიშვილი, 1973), ელიოზი („ნატვრის ხე“, რეჟ. თ. აბულაძე, 1976), ნიკო ფიროსმანი („გაგიმარჯოთ ყველას!“, რეჟ. გ. ლორთქიფანიძე, 1980), ფალავა („ძმა“, რეჟ. თ. ბაბლუანი, 1982), ისიდორე სალარიძე („თეთრი ბაირალები“, რეჟ. გ. ლორთქიფანიძე, 1990), მოტლ რაბინოვიჩი („განვედი ჩემგან!“, რეჟ. ა. ასტრახანი, რფ, 1990; ტოკიოს საერთაშ. კინოფესტივალის პრიზი მამაკაცის როლის საუკეთესო შესრულებისათვის, 1991), ქაიხოსრო („წარსულის აჩრდილები“, რეჟ. ლ. თუთბერიძე, 1996). განსაკუთრებით აღსანიშნავია სიმართლისთვის მებრძოლი კეთილშობილი აბრაგის - დათა თუთაშხიას როლი მრავალსერიან ტელეფილმში „დათა თუთაშხია“ (რეჟ-ები: გ. ლორთქიფანიძე, გ. გაბესკირია, 1978, სსრკ სახელმწ. პრემია, 1981). ეპიზოდური როლები შეასრულა მხატვრულ („ვამეხი მოდის“, „ჭიდაობას რა უნდა“, „იავნანა“ და სხვ.) და სატელევიზიო ფილმებში.

მ. ქართული სამსახიობო სკოლის ერთ-ერთი საუკეთესო წარმომადგენელია. შესანიშნავი გარეგნობა, სცენური მომხიბვლელობა, ძიებისა და შრომისმოყვარეობის ამოუწურავი უნარი განსაზღვრავდა თითქმის ყოველი მხატვრული სახის წარმატებას. მიღებული აქვს ღირსების ორდენი (2000), მარჯანიშვილის თეატრის წინ გაიხსნა მისი ვარსკვლავი (2006), 9 აპრილის ბაღში დაიდგა მ-ის ძეგლი (2)15; მოქანდაკე ლ. ვარდოსანიძე). დაკრძალულია მწერალთა და საბ. მოღვაწეთა დიდუბის პანთეონში.

ლიტ.: კ ი კ ნ ა ძ ე ვ., ოთარ მეღვინეთუხუცესი, თბ., 1979; ოთარ მეღვინეთუხუცესი: ნიღბის მიღმა, თბ., 2)17; ლ ო ნ ღ ა ძ ე ლ., ოთარ მეღვინეთუხუცესი, თბ., 1997.

თ. კახიანი

მ. კერესელიძე
